

AGINTARIAK ETA LANGILERIA

Oposaketak eta lehiaketak

OSAKIDETZA-EUSKAL OSASUN ZERBITZUA

3784

1285/2011 EBAZPENA, uztailaren 15ekoa, Osakidetza-Euskal osasun zerbitzuko zuzendari nagusiarena. Ebazpen honen bidez onartzen dira mediku kategorian (Fakultatibo Espezialista, Erradiodiagnostikoko Medikua) lotura estatutario finkoa lortzeko hautaketa-prozesua arautuko duten oinarri espezifikoak. Aipatu kategorია fakultatibo mediku eta teknikarien lanbide taldekoa da, eta destinoak Osakidetza-Euskal osasun zerbitzuko zerbitzu sanitarioetako erakundeetan izango dira.

Osakidetza-Euskal osasun zerbitzuko zuzendari nagusiaren uztailaren 15eko 1282/2011 Ebazpenaren bidez onartu dira Osakidetza-Euskal osasun zerbitzuan lotura estatutario finkoa lortzeko hautaketa-probak arautuko dituzten oinarri orokorrak.

Hautaketa-prozesu bakoitza gauzatzeko beharrezkoa da kategoría bakoitzeko destinoak arautuko dituzten oinarri espezifikoak argitaratzea.

Horregatik, bat etorritz Euskadiko Antolamendu Sanitarioaren ekainaren 26ko 8/1997 Legeak, Osasun zerbitzuetako pertsonal estatutarioaren Estatutu Markoaren abenduaren 16ko 55/2003 Legeak, Enplegatu Publikoaren Oinarrizko Estatuaren apirilaren 12ko 7/2007 Legeak, Osakidetza-Euskal osasun zerbitzua Ente Publikoko lanpostu funtzionalak arautzen dituen uztailaren 19ko 186/2005 Dekretuak eta Osakidetza Ente Publikoko Estatutu Sozialak ezartzen dituen azaroaren 11ko 255/1997 Dekretuak ezarritakoarekin eta indarrean dauden gainerako xedapen aplikagarrietan ezarritakoarekin, honako hau

EBATZI DUT:

Lehenengoa.— Oinarri hauen xede diren hautaketa-probak deitzea.

Bigarrena.— Mediku kategorian (Fakultatibo Espezialista, Erradiodiagnostikoko Medikua) lotura estatutario finkoa lortzeko hautaketa-prozesua arautuko duten oinarri espezifikoak onartzea, I. eranskinean daudenak. Aipatu kategoría fakultatibo mediku eta teknikarien lanbide taldekoa da eta destinoak Osakidetza-Euskal osasun zerbitzuko zerbitzu sanitarioetako erakundeetan izango dira.

Hirugarrena.— Ebazpen honen II. eranskinean eskainitako destinoen zerrenda onartzea.

Laugarrena.— Merituen baremoa onartzea, ebazpen honen III. eranskinean dagoena.

Bosgarrena.— Dagokion gai-zerrenda onartzea, ebazpen honen IV. eranskinean dagoena.

Seigarrena.— Ebazpen honen aurka gora jotzeko errekurtoa jar dakioke Osakidetza-Euskal osasun zerbitzuko Administrazio Kontseiluari hilabeteko epearen barruan, ebazpena EHAAAn argitaratu eta hurrengo egunetik hasita, hala ezartzen baitute lege eta dekretu hauek: Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak, urtarrilaren 13ko 4/1999 Legeak aldatutakoak; Euskadiko Antolamendu Sanitarioaren ekainaren 26ko 8/1997 Legeak eta Osakidetzaren Estatutu Sozialak ezartzen dituen azaroaren 11ko 255/1997 Dekretuak.

Vitoria-Gasteiz, 2011ko uztailaren 15a.

Osakidetza-Euskal osasun zerbitzuko zuzendari nagusia,
JULIÁN PÉREZ GIL.

I. ERANSKINA

MEDIKUEN KATEGORIAN (FAKULTATIBO ESPEZIALISTA, ERRADIODIAGNOSTIKOKO MEDIKUA) OSAKIDETZA-EUSKAL OSASUN ZERBITZUAN LOTURA ESTATUTARIO FINKOA LORTZEKO HAUTAKETA-PROZESUA ARAUTUKO DUTEN OINARRI ESPEZIFIKOAK. AIPATU KATEGORIA FAKULTATIBO MEDIKU ETA TEKNIKARIEN LANBIDE TALDEKOA DA ETA DESTINOAK OSAKIDETZA-EUSKAL OSASUN ZERBITZUKO ZERBITZU SANITARIOETAKO ERAKUNDEETAN IZANGO DIRA

1.– DEIALDI HONETAN ESKAINTZEN DIREN DESTINOAK.

1.1.– Deialdi honen xede izango dira II. eranskinean agertzen diren «Fakultatibo Espezialista, Erradiodiagnostikoko Medikua» kategoriako destinoak, Osakidetza-Euskal osasun zerbitzuko zerbitzu sanitarioetako erakundeetako fakultatibo mediku eta teknikarien lanbide taldekoak. Destino horien kopurua eta ezaugarriak aldatu ahal dira 2011rako deituko den lekualdatze-lehiaketa erabaki ahala.

1.2.– Deitutako destinoen % 5 pertsonal ezinduek betetzeko gordeko da. Oinarri orokorren arabera eskaini daitezkeen destinoak behin betiko zehazten direnean erabakiko da zenbatekoa den kopuru hori.

2.– IZANGAIEK BETE BEHARREKO BALDINTZAK.

Izangaiek ebazpen honetan arautzen den deialdian parte har dezaten, eskabideak aurkezteko epearen azken egunean, oinarri orokorretan eskatzen diren baldintzez gain, beste hauek ere bete beharko dituzte, oinarri orokorretan jasotzen diren salbuespenak izan ezik, eta, kasua bada destinoa esleitzen dela, destinoaz jabetu arte mantendu behar dituzte:

a) Hezkuntza eta Zientzia Ministerioak emandako Medikuntza eta Kirurgian lizentziatu titulazioa eta Erradiodiagnostikoko espezialista titulua izatea edo izateko moduan egotea, Osakidetza Ente Publikoaren lanpostu funtzionalak arautzen dituen uztailaren 19ko 186/2005 Dekretuaren I. eranskinean zehaztutakoa betez.

b) Edozein kasutan ere, lortu nahi den lanpostuaren baldintzak bete behar dira, Osakidetza-Euskal osasun zerbitzuaren lanpostu funtzionalak arautzen dituen 186/2005 Dekretuak, uztailaren 19koak, ezarritakoaren arabera eta indarrean dagoen araudiak ezarritako beste edozeinen arabera.

c) Inskripzio-eskubide hauek ordainduta izatea eskabideak aurkezteko epe barruan, eskainitako destinoen titulazio-taldearen arabera:

A1 taldea (antzinako A taldea): 25 euro.

Kategoria honetarako eskabideak egiteko epea 2011ko uztailaren 29tik 2011ko irailaren 12ko 14:00etara arte izango da.

3.– OPOSIZIO LEHIAKETAREN NONDIK NORAKOA.

3.1.– Oposizioaldia.

Oposizioaldian ariketa hauek egingo dira:

a) Lehenengo ariketa: epaimahaiari dagokio probaren edukia eta iraupena zehaztea. Galdetegi bati idatziz erantzun beharko zaio, ematen den gehienezko denboraren barruan, eta galderak IV. eranskinean jasotako gaiei buruzkoak izango dira.

Era berean, aipatu eranskinean bibliografia ere sartuko da proba prestatzeko.

b) Bigarren ariketa: epaimahaiak zenbait ariketa praktiko jarriko du. Galdetegiak edo beste tankera batekoak izango dira.

Ariketak lotuta egongo dira destinoetako funtzio espezifikoekin, eta helburutzat izango dute destino horietan aritu nahi dutenen gaitasunak, trebetasunak, ezagutza eta ahalmen profesionala baloratzea.

3.2.– Oinarri orokorretako 14. atalean aurreikusitako puntuazio-ordenaren arabera izangaien zerrendaren ondoren, I. eranskinean agertzen diren proposatutako izangaiek, 14.2 oinarrian zehaztutako dokumentazioaz gain, beste hauen fotokopia konpultsatua aurkeztu beharko dute:

– Hezkuntza eta Zientzia Ministerioak emandako Medikuntza eta Kirurgia lizentziatu eta Erradiodiagnostikoko espezialistaren titulazioaren fotokopia konpultsatua edo notarioaren testigantza, Osakidetza Zuzenbide Pribatuko Entitate Publikoaren lanpostu funtzionalak arautzen dituen uztailaren 19ko 186/2005 Dekretuaren I. eranskinean zehaztutakoa betez.

3.3.– Lehiaketaldia.

Egiaztatutako merituen III. eranskineko merituen baremoaren arabera balioztatuko dira, oinarri orokorretan ezarritako irizpideen arabera.

3.4.– Lanpostuaz jabetzea.

Oinarri orokorretako 17 atalean aipatutako dokumentazioaz gain, deialdi honen xede diren destinoetarikoren batez jabetzen direnek ondorengo agiria aurkeztu beharko dute jabetzako ekitaldian:

– Elkargoko kide izatearen ziurtagiria.

II. ERANSKINA

DESTINOEN ZERRENDA KATEGORIA: MEDIKUA

LANPOSTU FUNTZIONALA: FAK. ESP. ERRADIODIAGNOSTIKOKO MEDIKUA

Osakidetzako zuzendari nagusiaren uztailaren 15eko 1282/2011 Ebazpenaren bidez onartutako oinarri orokorretako 1. oinarrian aurreikusitakoaren arabera, Fakultatibo Espezialista Erradiodiagnostikoko Mediku gisako 26 destino deitzen dira. Deitutako destino-kopurua alda liteke, 2011n deituko den lekualdaketa-lehiaketaren ondorioz.

2. oinarrian ezarritakoaren arabera, deialdi honen xede diren osasun-zerbitzu erakundeetako destinoak hautaketa-prozesua gainditu duten izangaien zerrenda argitaratzean zehaztuko dira.

III. ERANSKINA

DESTINOA OSAKIDETZA-EUSKAL OSASUN ZERBITZUKO ZERBITZU SANITARIOETAKO
ERAKUNDEETAN DUTEN FAKULTATIBO MEDIKU ETA TEKNIKARIEN LANBIDE TALDEKO
FAKULTATIBO ESPEZIALISTA ERRADIODIAGNOSTIKOKO MEDIKUEN KATEGORIAKO
MERITUEN BAREMOA

1) LAN-ESPERIENTZIA: gehienez, 45 puntu.

Eskabideak aurkezteko azken egunera arte izangaiek aitortuta duten zerbitzu-denbora zenbatuko da.

Dagokion espezialitateko etengabeko atentzioko behin-behineko izendapen batean egindako zerbitzuen puntuazioari zerbitzu horiengatik normalean ematen den puntuazioaren % 50 aplikatuko zaio.

Guztizko denbora zenbatzeko orduan, lan egindako egun naturalak hartuko dira kontuan, eta ez dira zenbatuko hilabetera heltzen ez diren gainerako egunak. Hilabetea osatzeko, 30 egun naturaleko multzoa hartuko da.

Titulua irailaren 24ko 1497/1999 Errege Dekretuaren babesean eskuratu dutenen espezialistaren antzinatasunean, abenduaren 23ko 62/2003 Legean, zerga, administrazio eta gizarte neurriei buruzkoan, eta Ordena Sozialari buruzkoan, deialdiak aurrez ikusitako baldintzetan, interesdunak espezialitatearen berezkoa eta espezifikoa den eremuaren baitan gauzatutako lan profesional eraginkor osoa baloratuko da. Jardute horretatik kenduko da, hasierako aldian, Espainian espezialitate horretarako ezarritako prestakuntza aldiaren % 170. Deskontu hori ez zaie egingo 1497/1999 Errege Dekretuaren hirugarren xedapen gehigarrian aurreikusitako espezialistaren titulua lortu dutenei.

1.– Osakidetzako, Gizarte Segurantzako eta komunitate autonomoetako osasun zerbitzuetako erakundeetan, edozein herri administraziotan, baita Europar Batasuneko beste estatuetako sare publikoko zerbitzu sanitarioetan ere lehen mailako atentzioan edo medikuntza arloko kudeaketa-lanpostuetan pediatria gisa lan egindako hilabete bakoitzeko: 0,30 puntu.

2.– Osakidetza-Euskal osasun zerbitzuko edota beste edozein herri administraziotako ospitaleetan edo osasun sistema nazionalari atxikitako ikerketa eta antolakuntzako zentro ofizialetan, zein Europar Batasuneko kide diren gainerako estatuetako sare publikoko osasun zerbitzuetan pediatria gisa edo pediatria-arloan pertsonal ikertzaile gisa eskainitako zerbitzuen hilabete bakoitzeko: 0,15 puntu.

3.– Osakidetza-Euskal osasun zerbitzuko edota beste edozein herri administraziotako osasun zerbitzuetako erakundeetan edo osasun sistema nazionalari atxikitako ikerketa eta antolakuntzako zentro ofizialetan, zein Europar Batasuneko kide diren gainerako estatuetako sare publikoko osasun zerbitzuetan atentzio espezializatuko beste zerbitzu batzuetan mediku orokor gisa edo beste espezialitate batzuetan mediku gisa edo pertsonal ikertzaile gisa eskainitako zerbitzuen hilabete bakoitzeko: 0,075 puntu.

4.– Erakunde sanitario publikoetan kudeaketa eta zerbitzu orokorren alorrean goi-mailako kudeaketako lanpostuetan egindako hilabete bakoitzeko: 0,07 puntu.

Barne-sustapeneko txandan lehiatzen direnei, honela zenbatuko zaizkie eskainitako aurretiko zerbitzuak:

- a) E taldean eskainitako zerbitzuak: 0,02 puntu hilabete bakoitzeko.
- b) D taldean eskainitako zerbitzuak: 0,04 puntu hilabete bakoitzeko.
- c) C taldean eskainitako zerbitzuak: 0,05 puntu hilabete bakoitzeko.
- d) B taldean eskainitako zerbitzuak: 0,06 puntu hilabete bakoitzeko.
- e) A taldean eskainitako zerbitzuak: 0,15 puntu hilabete bakoitzeko.
- f) Lehiatzen den lanpostu berean egindako zerbitzuak: 0,30 puntu hilabete bakoitzeko.

Zerbitzu eginkizunetan edo goragoko kategoriako funtzioetan eskainitako zerbitzuak benetan betetako lanpostuan zenbatuko dira.

Halaber, zerbitzu berezietako egoeran eskainitako zerbitzuak jatorrizko lanpostuan zenbatuko dira.

2) PRESTAKUNTZA, IRAKASKUNTZA ETA IKERKUNTZA (gehienez, 35 puntu).

Atal honen barruan ondokoaren arabera egiaztatzen den prestakuntza balioztatuko da:

- a) Graduatu aurreko prestakuntza (gehienez, 5 puntu):

Espediente akademikoaren balorazioa honela aterako da ondorengo hipotesien kasuan:

$$(\text{bikain kopurua} \times 6) + (\text{Ohorezko matrikula kopurua} \times 9)$$

Irakasgai guztien kopurua

Ez dira ebaluatuko eta, horrenbestez, ez dira zatitzailean agertuko ondorengo ikasgaiei dagozkien kalifikazioak edo baliozkotze ofizialaren helburu izan direnak: erlijioa, heziera politikoa, heziketa fisikoa, hizkuntzak, edo Medikuntzako Lizentziaturaren ikasketen oinarrizko edukiarekin lotura nabarmenik ez duten beste ikasgai batzuk.

- b) Graduondoko prestakuntza (gehienez, 18 puntu):

- Doktorea: 15 puntu.
- Doktorea cum laude: 18 puntu.
- Graduatu ondoko masterra: 7,5 puntu.
- Aditua/Espezialista unibertsitariora: 5 puntu.
- Ikertzeko nahikotasuna/Diploma ikasketa aurreratuetan: 5 puntu.
- Lizentziatura gradua: 3 puntu.
- Doktoretza-ikastaroa, ikastaro bakoitzeko 0,50 puntu, eta gehienez 10 ikastaro.
- Goi-mailako beste titulazio elkartu bat: 4 puntu.

Ez dira baloratuko doktorego-ikastaroak baldin eta balio izan badute Doktore-titulua lortzeko, edo Doktorea cum laude, edo Ikertzeko Nahikotasuna edo Diploma ikasketa aurreratuetan.

c) Prestakuntza espezializatua:

1.– Kategorian sartzeko eskatzen ez den bestelako tituluren bat edo batzuk, legez aitortutako espezialitatearen batekoak, dituzten izangaiak, baldin eta aldez aurretik fakultatiboentzako ofizialki onartutako prestakuntza-programako egoiliar gisa bete badute: 2 puntu.

2.– Kategorian sartzeko eskatzen ez den bestelako espezialistaren titulu bat edo titulu batzuk dituzten izangaiak, ez BAME bidez: puntu 1.

d) Etengabeko prestakuntza (gehienez, 20 puntu):

Eskatutako destinoko kategoriarekin zerikusia duten ikastaroetara joateagatik:

– 9 ordura arte:	0,25 puntu.
– 10-19 ordu:	0,75 puntu.
– 20-29 ordu:	1,25 puntu.
– 30-49 ordu:	2 puntu.
– 50-99 ordu:	3 puntu.
– 100-249 ordu:	4 puntu.
– 250-599 ordu:	5 puntu.
– 600 ordu edo gehiago:	6 puntu.

Ikastaroen ziurtagirietan kreditu kopurua bakarrik agertzen denean, puntuazioa 0,30 puntukoa izango da kreditu bakoitzeko, ikastaro bakoitzeko, gehienez, 20 kreditu onartuko direlarik.

Ikastaroaren gutxieneko ordu-kopurua edo kredituen baliokidetza ordutan adierazten ez duten ziurtagirietan edo bai ordu-kopurua bai prestakuntza ematen duen administrazio publikoak onartutako kredituen baliokidetza ordutan jasotzen dutenetan, epaimahaiak, aurkeztutako ziurtagiriak eta ikastaroaren edukia ikusita, dagokion puntuazioa emango du, eta kasu horretan ez du inolaz ere 0,25 puntu baino gutxiago emango.

Erakunde ofizialek, unibertsitateek, erakunde sanitarioek, eta hala badagokio, elkargo profesionalek eta elkarte zientifikoek emandako eta egiaztatutako ikastaroak baloratuko dira, eta baita edozein Administrazio Publikok hitzartutako etengabeko prestakuntzako akordioen arabera eman eta egiaztatutako ikastaroak ere, betiere titulazio ofiziala lortzeko ikasketa plan baten barrukoak ez badira.

e) Irakaslanak (gehienez 10 puntu):

- Fakultateko / Unibertsitate Eskolako katedraduna: (urteko) puntu 1.
 - Fakultateko / Unibertsitate Eskolako irakasle titularra edo elkartua: (urteko) 0,50 puntu.
 - Kreditatutako tutorea egoiliarrentzako irakaskuntzan, kasua bada, dagokion espezialitatean: (urteko) 0,750 puntu.
 - Irakaskuntza etengabeko prestakuntzako programa ofizialetan: (ordu bakoitzeko) 0,050 puntu.
- f) Jarduera zientifikoak eta ezagutza hedatzekoak (gehienez, 15 puntu):

Eskatutako destinoko lanpostu funtzionalarekin zerikusia duten lan zientifikoak, txosten-aurkezpenak, komunikazioak, hitzaldiak edo mahai-inguruak egiteagatik:

- Eskualdeko txosten bakoitzeko: 0,50 puntu.
- Espainiako txosten bakoitzeko: 2 puntu.
- Nazioarteko txosten bakoitzeko: 3 puntu.
- Eskualdeko ahozko komunikazio/poster bakoitzeko: 0,30 puntu.
- Espainiako ahozko komunikazio/poster bakoitzeko: 1,20 puntu.
- Nazioarteko ahozko komunikazio/poster bakoitzeko: 2 puntu.
- Eskualdeko mahai-inguru bakoitzeko: 0,40 puntu.
- Espainiako mahai-inguru bakoitzeko: 1,50 puntu.
- Nazioarteko mahai-inguru bakoitzeko: 2,50 puntu.
- Argitalpen bakoitzeko (lehenengo egilea): 2 puntu.
- Argitalpen bakoitzeko (beste egile batzuk): puntu 1.
- Liburu bakoitzeko (lehenengo egilea): 4 puntu.
- Liburu bakoitzeko (beste egile batzuk): 2 puntu.
- Kapitulu bakoitzeko (lehenengo egilea): 2 puntu.
- Kapitulu bakoitzeko (beste egile batzuk): puntu 1.
- Tesina bakoitzeko: 3 puntu.

Ez da baloratuko atal honetan zehaztu ez den merezimendurik.

g) Lanbide garapena (gehienez, 28 puntu):

Izangaiek hautatu ahalko dute oinarri espezifikoetan aitortutako lanbide garapenaren mailari dagokion puntuazioa esleitzea, d) (etengabeko prestakuntza), e) (Irakaslana) eta f) (Jarduera zientifikoa eta ezagutza hedatzekoa) atalen arabera egokituko litzaiekeenaren ordeaz:

- IV. Maila: 28 puntu.
- III. Maila: 22 puntu.
- II. Maila: 18 puntu.
- I. Maila: 14 puntu.

Aukera hori dokumentazioa aurkezteko oinarri orokorren 12.5.2 oinarrian ezarritako 10 egun balioduneko epean gauzatuko da.

h) Hizkuntzak (gehienez, 10 puntu):

- Ingelesa: gehienez 6 puntu.
- Frantsesa: gehienez 6 puntu.

– Alemana: gehienez 6 puntu.

i) Informatikako ezagutzak (gehienez, 2 puntu).

3) EUSKARA.

– 2. HE: 18 puntu.

– 1. HE: 9 puntu.

IV. ERANSKINA

FAKULTATIBO MEDIKU ETA TEKNIKARIEN LANBIDE TALDEETAKO MEDIKU ESPEZIALISTA
ETA FARMAZIALARIEN KATEGORIAKO GAI ZERRENDA

ESPEZIALITATEA: ERRADIODIAGNOSTIKOA

I. GAI-ZERRENDA OROKORRA

GAI OROKORRAK.

1.– Erradiologia Digitalari buruzko oinarrizko kontzeptuak: HIS, RIS, DICOM, PACS, Telerradiologia.

2.– Erradiodiagnostikoaren oinarriak.

3.– Ultrasoinuen ezaugarri fisikoak eta oinarriak, tomografia konputarizatua eta Erresonantzia Magnetikoa.

4.– Kontraste-baliabideak erradiologian, ultrasoinu eta erresonantzia magnetikoan.

5.– Erradiobiologia eta Erradiobabesa. Kalitate Garantia Erradiodiagnostikoan.

TORAXA, BIHOTZA ETA HODI HANDIAK ETA INTERBENTZIONISMOA.

6.– Toraxeko teknika eta anatomia erradiologikoa.

7.– Parenkima-gaixotasuna eta birika-interstizioko patologia.

8.– Albeoloko eta aire bideko gaixotasuna.

9.– Biriketako eta arnasbideetako neoplasia.

10.– Pleura.

11.– Mediastinoa.

12.– Traumatismo torazikoa.

13.– Biriketako enbolismoa.

14.– Sortzetiko bihotz-gaixotasuna.

15.– Hartutako gaixotasun kardiobaskularra.

16.– Tumore kardiakoak eta patologia perikardikoa.

17.– Gaixotasun koronarioa.

18.– Aorta-disekzioa.

19.– Abdomeneko, pelbiseko eta gorputz-adarretako hodi handien patologia.

20.– Kaba zainaren eta zain handien (tronbosia) patologia.

21.– Aorta-gaineko enborrak eta garuneko baskularizazioa Irudi bidez aztertzea.

22.– Diagnostiko-angiografiaren oinarrizko kontzeptuak.

23.– Interbentzionismo baskularraren eta ez-baskularraren oinarriak.

NEUROERRADIOLOGIA. BURUA ETA LEPOA.

24.– Nerbio-Sistema Zentraleko sortzetiko lesioak.

25.– Substantzia zuriaren gaixotasuna.

26.– Infekzioa, hantura eta mielina kaltetzen duen gaixotasuna.

27.– Gaixotasun zerebro baskularra.

28.– Neoplasiak eta masa intrakranialak.

29.– Hipofisi-patologia.

30.– Kranio-entzefaloko eta aurpegiko traumatismoa.

31.– Bizkarrezurra: patologia traumatikoa, infekziosoa, endekapenezkoa eta neoplasikoa. Ornoarteko diskoaren patologia.

32.– Muina: neoplasia eta konpresio-prozesuak eta mielina kaltetzen duten prozesuak.

33.– Belarria eta hezur tenporala.

34.– Orbita.

35.– Sinu paranasalak, sudur-barrunbea eta beheko masailezurra. Aho-barrunbearen patologia.

36.– Tiroidea eta paratiroidea irudi-teknikekin aztertzea.

37.– Laringea, faringea, listu-guruina eta masak lepoan.

ABDOMENA.

38.– Hestegorri, urdail eta duodenoaren azterketa.

39.– Hantura-gaixotasuna, buxadura eta heste meharreko tumoreak.

40.– Heste lodia irudi bidez aztertzea. Uzki-ondestearen balorazioa.

41.– Mesenterio eta pareta abdominalaren patologia. Herniak.

42.– Gibela eta behazunbidea.

43.– Pankrea, barea eta peritoneoa irudi bidez aztertzea.

44.– Sistema genitourinarioko anatomia eta aldaerak.

45.– Giltzurruna: infekzioa, traumatismoa, masak.

46.– Litiasia eta buxadura: irudi bidezko azterketa.

47.– Ureter, maskuri eta uretraren azterketa (infekzioa, tumoreak).

48.– Ugaltze-aparatu maskulinoa baloratzeta (prostata, semen-besikulak, zakila).

49.– Eskroto-patologia.

50.– Gibealeko eta giltzurrunetako transplantea.

51.– Giltzurrun gaineko eta peritoneo atzeko patologia aztertzea.

52.– Emakumezkoen pelbisa: obulutegi eta uteroko patologia.

53.– Pankrea-tumore endokrinoak, kartzinoideak, neoplasia endokrino anizkoitza

54.– Abdomen-pelbiseko traumatismoak.

55.– Gestazioaren azterketa-protokoloa lehen, bigarren eta hirugarren hilabetean. Orokortasunak, fetuaren hazkundera, fetuaren ongitasuna eta anomaliak eta malformazioak bilatzea.

56.– Haurdunaldi ektopikoa eta gestazio anizkoitza.

TITIAK.

57.– Diagnostiko-kategoriak mamografian, ekografian eta erresonantzia magnetikoan. Titietako minbizia goiz detektatzea.

58.– Titietako masen ebaluazioa eta algoritmo diagnostikoa.

59.– Titietako kaltzifikazioen ebaluazioa.

60.– Titietako patologia onbera. Gizonezkoen titiak.

61.– Titietako biopsia perkutaneoak eta bestelako interbentzio-prozedurak.

MUSKULU-ESKELETIKOA.

62.– Sortzetiko anomaliak eta garatutakoak.

63.– Infekzio eta gaixotasun metabolikoak.

64.– Hezur eta alde bigunetako tumoreak eta pseudotumore-lesioak.

65.– Artropatiak.

66.– Hezurretako eta alde bigunetako traumatismoak.

67.– Patologia ortopedikoa irudi bidez aztertzea.

68.– Operazio osteko irudia eta protesien baloratzea sistema muskulu-eskeletikoan.

69.– Osteoporosia.

PEDIATRIA.

70.– Jaioberriaren, bularreko haurren eta haurren torax pediatrikoa

71.– Irudi diagnostiko gastrointestinala pediatrian.

72.– Uroerradiologia pediatrikoa.

73.– Hezur-displasiak. Pediatrian sistema muskulu-eskeletikoa irudi bidez diagnostikatzea.

74.– Neuroirudia: garapeneko anomaliak eta Nerbio-Sistema Zentraleko tumoreak pediatrian.

II. GAI-ZERREDA KOMUNA

1.– Lanbide Sanitarioen Antolamenduaren Legea: arau orokorrak. Lanbide sanitarioak burutzea. Profesionalen parte-hartzea.

2.– Osasun Sistema Nazionalaren kohesio eta kalitatearen Legea: xedapen orokorrak. Prestazioak. Kalitatea. Parte-hartze soziala.

3.– Osasun-zerbitzuetako pertsonal estatutarioaren Estatutu Markoaren Legea: arau orokorrak. Eskubideak eta betebeharrak. Pertsonal estatutario finkoaren izaera lortu eta galtzea. Ordainketak. Lanaldia, baimenak, lizentziak. Bateriaezintasunak.

4.– Euskadiko Antolamendu Sanitarioaren Legea: xedapen orokorrak. Euskadiko Osasun Sistema: Antolamendua eta herritarren eskubideak eta betebeharrak. Programa-kontratua. Osakidetza-Euskal osasun zerbitzua Ente Publikoaren eraketa. Zuzendaritza-antolakuntza. Gestio-araubidea.

5.– Osakidetza-Euskal osasun zerbitzua Ente Publikoaren definizioa. Xedeak. Zuzendaritza-antolakuntza: zerrenda. Erakunde Zentrala: eraketa. Zerbitzu-erakundeak: legezko aitortpena.

6.– Osakidetza-Euskal osasun zerbitzuko paziente eta erabiltzaileen eskubideak eta betebeharrak.

7.– Pazientearen autonomiaren gaineko printzipio orokorrak eta eskubideak eta betebeharrak informazioaren eta dokumentazio klinikoaren gaitan. Informazio sanitariorako eskubidea. Intimitaterako eskubidea. Pazientearen autonomia errespetatzea. Historia klinikoa. Alta txostena eta bestelako dokumentazio klinikoa.

8.– Borondate aurreratuak osasun-eremuan.

BIBLIOGRAFIA

1.– Dähnert W. Radiology review manual. 4.^a ed. Lippincott Williams & Wilkins; 2007ko apirila. ISBN-10:0-7817-6620-6. ISBN-13:978-0-7817-6620-3.

2.– Weissleder R., Rieumont MJ, Wittenberg J. Primer of Diagnostic imaging, 2.^a ed. Mosby; Nov 2006. ISBN-13:978-0-323-04068-6; ISBN-10: 0-323-04068-3.

3.– Pedrosa CS, Casanova R. Diagnóstico por imagen, 2.^a ed. (5 vols.) Mc. Graw-Hill Interamericana; 2000. ISBN: 8448601440.

4.– Osborn AG. Neurorradiología diagnóstica. Mosby/Doyma; 1996. ISBN: 8581741191.

5.– Harnsberger HR Handbook of Head and Neck Imaging, 2.^a ed. Mosby; 1995. ISBN: 0815142331.

6.– Haaga JR, Lanzieri CF, Gilkeson RC. TC y RM. Diagnóstico por imagen del cuerpo humano. Elsevier; 2004. ISBN: 8481747033.

7.– ACR / SERAM. BI-RADS. Sistema de informes y registro de datos de imagen de mama. Atlas de diagnóstico por la imagen de mama. Mamografía, ecografía, resonancia magnética. Ed. Campillo Nevado; 2006. ISBN: 8461109112.

8.– Resnick D., Kransdorf MJ. Bone and joint imaging. 3.º ed. Elsevier Saunders; 2005. ISBN: 0721602703.

9.– Pediatric diagnostic imaging. 2VM. 2.502 pag. Ed. Mosby Philadelphia ISBN: 0-323-0-1109-8.

GAI-ZERRENDIA KOMUNAREN BIBLIOGRAFIA

1.– 44/2003 Legea, azaroaren 21ekoa, Lanbide Sanitarioen Antolamenduari buruzkoa.

2.– 16/2003 Legea, maiatzaren 28koa, Osasun Sistema Nazionalaren kohesio eta kalitateari buruzkoa.

3.– 55/2003 Legea, abenduaren 16koa, osasun zerbitzuetako pertsonal estatutarioaren Estatutu Markoarena.

4.– 8/1997 Legea, ekainaren 26koa, Euskadiko Antolamendu Sanitarioarena.

5.– 255/1997 Dekretua, azaroaren 11koa, Osakidetza-Euskal osasun zerbitzua Ente Publikoaren Estatutuak ezartzen dituenak.

6.– 175/1989 Dekretua, uztailaren 18koa, Osakidetza-Euskal osasun zerbitzuko paziente eta erabiltzaileen eskubide eta betebeharren karta onartzen duena.

7.– 41/2002 Legea, azaroaren 14koa, informazio eta dokumentazio klinikoaren arloan pazientearen autonomia eta eskubideak eta betebeharrak arautzen dituen oinarritzko legea.

8.– 7/2002 Legea, azaroaren 12koa, Borondate Aurreratuen Legea.